



Nuuk 8. oktober 2018

UKA2018/200

Jens Napâtôk, Partii Naleraq

**Uunga siunnersuut: Qaffasinnerusumik ilinniartitaanerit pillugit Inatsisartut inatsisaat nr. xx, xx, xxx 2018-imeersoq**

(Ilinniartitaanermut, Kultureqarnermut, Ilisimatusarnermut Ilageeqarnermut Nunanut Allanullu Naalakkersuisoq)

Qaffasinnerusumik ilinniakkat pillugit Inatsisartut inatsisissaattut siunnersuut Partii Naleraq sinnerlugu imaattumik oqaaseqarfigissavarput.

Siunnersuut Ilisimatusarfik pillugu Inatsisartut inatsisissaattut siunnersuummut aammalu Inuussutissarsiutinik ilinniartitsinerit pikkorissarnerillu ilinniartitaanerup iluani pineqartut saqqummiunneqartunut atatillugu isiginiarneqartuummata Immikkoortoq 199-imi qaffasinnerusumik ilinniagaqarnerit pillugit oqaaserisagut innersuussutigalugit inatsisissatut siunnersuut una ima ilassuteqarfigissavarput.

Immikkoortoq 199-imi eqqartukkagut aqutsineq aningaasaqarnerlu pillugit Ilisimatusarfik pillugu suliaqarnitsinnut tunngatillugu siunnersuummi uani ingerlaqqiffiusumik ilinniakkat kalaallit Nunaanni neqeroorutaasartut tamarmik malittarisassasiunneqarneranik una inatsit kinguneqartussaavoq, ilinniartitup sorliip neqeroorutaanera apeqqutaatinneqarunnaarluni, tassanilu anguniarneqarluni malittarisassat assigiissarneqarnissaat siunertarineqarluni ilaatigullu ilinniartunut paasiuminernerulernissaat anguniarneqarluni. Taamatut anguniagaqarneq Partii Naleraq sinnerlugu toqqaannartumik ippinnartussaqaartinngilarput, taamaattorli tusarniaanermi oqaaserineqarsimasut ataatsimiititaliami nalilersorluarneqarnissaat innersuussutigerusupparput.

Inatsisissatut siunnersuummi ilaatigut nutaatut aaliangersarneqartoq ilinniakkat aaqqissuusaaneri takkunanilu allannguutit pingaarutillit Naalakkersunit akuerineqartassasut, tamatumunnga tunngatillugu immikkortoq 199-imi eqqartuinitinni innersuussutigisarpur uteqqissavarput, tassalu qaffasinnerusumik ilinniartit paaseqatigilluinnarlugit iliuseqaasiornerit piumasaqaasiornerillu ingerlanneqartarnissaat qulakkeerneqartassasoq, pitsaasuseq siunertaagaluartoq qulaaniit politikkikkut aqunneqarlutik naalakkisartinneqarnissaat Partii Naleqqamiit kissaatiginngilluinnaratigu. Nunarsuarmioqatitsinnut naleqqussassaagut immitsinnut inorsinnata, tamatumalu qulakkeerlugu suliarinerani susassaqartut ingerlatsisussallu peqatigilluinnarlugit aaqqissuunneqartarnissaa pingaartilluinnarparput.

Qinnuteqartarneq aamma ilinnialersinnaasunik killilersuisarneq kiisalu ilinniarnissamut inissat pillugit aaliangersakkat nutaajusut qaffasinnerusumik ilinniartit paaseqatigalugit aaqqissuunneqarnissat kaammattuutiginarput ataatsimiititaliamilu nalilersuiffigineqarlutillu suliarineqarnissaat kaammattuutigaarput.



partii naleraq

Nutaatut ilanngunneqartut ilagaat bacheloritut ilinniakkani tamani ilinniarnep ingerlanerani Kalaallit Nunatta avataani misilittagaqarfigalugu ilinniarallattalernissaat periarfissaalissammat, tamannalu Partii Naleqqamiit tamakkiisumik pitsaasutut isigalutigu tapersorsorparput aammalu arlatigut aporfeqassagaluarpat aaliangersakkamut sanioqqutitsisoqarsinnaanera eqqumaffigalugu periarfissaqartitsisoqarmat naamagisimaarlutigu taamatut periarfissiisoqarsinnaanera.

Partit Naleraq isumaqarpugut ilinniakkani suniluunniit aporsiusinnaasut tamaasa annikillisarneqarsinnaanissaat pingaaruteqartorujussuusut. Ilinniartummi sumiikkaluartulluunniit aporfiusinnaasut annikinersut annertunerusullu peqquutiinnarlugit unititsiinnartoqartarnera uggornarluinnarmat, taamaammat pingaruteqarluinnartut ilagaat aporfissalersuinani ilinniartut naammassinissaanut aqqutissat pingaruteqartut ilagilluinnarmassuk periarfissarsiorneq aporfissalersuigani.

Naalackersuisut qaffasinnersumik ilinniagaqartunut ilinniartitsisut piginnaasaanik piumasqaasiortalernissaanut tassalu malittarisassanik aaliangersaasalernissaanut kaammattuutigeqqiinnassavarput qaffasinnersumik ilinniarfiit akisussaasui qanimut suleqatigilluinnarlugit paaseqatigalugillu aaliangersagaliortarnissaat.

Taamatut Partii Naleqqamiit oqaaseqarluta Ilinniartitaanermut Kultureqarnermut Ilageeqarnermut Nunanullu Allanut ataatsimiititaliami suliarineqarnissaanut innersuussutigatigu.